

Gemeinde
Ralbitz-Rosenthal



Gmejnska nowina Ralbicy - Róžant



34. lětnik / 1. wudaće

Hamske łopjeno

pražnik 2022

06.07.2022

www.ralbitz-rosenthal.de

gemeinde@ralbitz-rosenthal.de



Foto: Tomáš Šolta

W juniju swjećachu wěriwi našeje wosady Bože ćěto a podachu so po zwučenym wašnju jako procesion po Ralbicach, mnohe žony a holcy w narodnej drasće.



Wobzamknjenja gmejskeje rady Ralbicy-Róžant

Na posedženju gmejskeje rady dnja 23.06.2022 su so scěhowace wobzamknjenja schwalili:

Wobzamknjenje č. 19-06/2022

Wobzamknjenje k zapodatym znapřećiwnjenjam k naćiskej hospodarskeho plana za lěto 2022

Wobzamknjenje č. 20-06/2022

Wobzamknjenje hospodarskich wustawkow z jich přiweškami za lěto 2022

Wobzamknjenje č. 21-06/2022

Wobzamknjenje k postajenju klučowych produktow wot lěta 2022 za gmejnu Ralbicy-Róžant

Wobzamknjenje č. 22-06/2022

Wobzamknjenje 1. změny „Wustawkow gmejny Ralbicy-Róžant wo wujasnjenju z rozšěrjenym skruženjom w zwisku z wobtwarjenjom Łazka“

Wobzamknjenje č. 23-06/2022

Wobzamknjenje 1. změny „Wustawkow gmejny Ralbicy-Róžant wo wujasnjenju z rozšěrjenym skruženjom w zwisku z wobtwarjenjom Konjec za Křižerski puć“

Wobzamknjenje č. 24-06/2022

Wobzamknjenje wo přepodaću dalšich fazow wukonow za planowanje nowotwara džěcaceho přebywanišća a přetwar wobstějaceje pěstowarnje k hortej w Ralbicach (planowanje twarjenjow a wonkoweje ležownosće objekta, planowanje nošnjeje konstrukcije)

Wobzamknjenje č. 25-06/2022

Wobzamknjenje wo přepodaću dalšich fazow wukonow za planowanje nowotwara džěcaceho přebywanišća a přetwar wobstějaceje pěstowarnje k hortej w Ralbicach (fachowe planowanje techniskich připrawow – elektrotechnika)

Wobzamknjenje č. 26-06/2022

Přihłosowanje k wuwicowej strategiji LEADERa za spěchowansku dobu EU 2023 do 2027

Wobzamknjenje č. 27-06/2022

Přiwzaće a posrědkowanje pjenježnych abo wěcných darow a podpěrow w hódnoće pod 1.000,00 €

Dohlad do protokola resp. wobzamknjenjow zjawneho posedženja w cyłym wobjimje je w času rěčnych hodžin gmejskeho zarjada móžny.

Hubertus Ryčer, wjesnjanosta

Přichodne posedženje gmejskeje rady gmejny Ralbicy-Róžant wotměje so štwórtk, dnja 14.07.2022 we 18.30 hodź. w klubowni Ralbičan šule. Dnjowy porjad so přez městne wuwěški wozjewi.

Přichodna zhromadźizna techniskeho wuběrka wotměje so štwórtk, dnja 14.07.2022 we 18.00 hodź. w klubowni Ralbičan šule. Dnjowy porjad so přez městne wuwěški wozjewi.

Zjawne wozjewjenje wólbneho wuslědka

Gmejske wólbne předstejićerstwo je na swoim posedženju 13.06.2022 doskónčny wólbny wuslědk wólbow wjesnjanosty gmejny Ralbicy-Róžant zwěsćilo.

Knjuz Hubertus Měrcin Ryčer je 64,45 % wšěch wotodatych plaćiwých hłosow dóstał a je woleny wjesnjanosta.

Zjawnje so nadrobny wólbny wuslědk wólbow wjesnjanosty w Ralbicach-Róžeńće wot 15.06.2022 jako wuwěšk na informaciskich taflach wšěch wsow gmejny wozjewja.

Měrko Domaška, předsyda gmejskeho wólbneho předstejićerstwa

Džak wólbnyim pomocnikam při wólbach wjesnjanosty a krajneho rady 12.06.2022

Na tutym puću chcu so wšěm čestnohamtsce skutkowacym čonom wólbnych předsydstwow wsow gmejny Ralbicy-Róžant a sobudžělačerjam gmejnskich wólbnych předstejićerstwow, kotřiž su wosobinsce bjezporočne přewjedženje wólbow wjesnjanosty a krajneho rady 12.06.2022 zmóžnili, wutrobnje džakować.

Měrko Domaška, předsyda zarjadniskeho zwjazka

Džak wolerjam

Na tutym puću džakuju so wšěm wolerkam a wolerjam, kotřiž su za mnje hłosowali, a za dowěru, kotruž su mi z tym wopokazali, džak tež wšěm, kotřiž su mje při wólbach wjesnjanosty 12. junija 2022 podpěrali. Tež w přichodže chcu so ze wšej mocu za zajimy gmejny a jeje wobydlerkow a wobydlerjow zasadźować a nadžijam so na dalše dobre zhromadne džěło.

Waš wjesnjanosta Hubertus Rietscher

Gratulujemy wšitkim rentnarkam a rentnarjam našeje gmejny k narodninam a přejemy krutu strowotu a Bože žohnowanje!



3. julija	Benó Krječmar	Róžant	70. narodniny
2. awgusta	Rejza Žurowa	Šunow	70. narodniny
3. awgusta	Pawoł Šořta	Šunow	85. narodniny

Tež wšitkim njemjenowanym narodninarjam přejemy wjele zboža, strowotu a wosobinske derjeměće.

Rěčne hodžiny gmejnskeho zarjada w Róžeńće: wutoru a štwórtk: 14.00–18.00 hodž.	<u>Nuzowe čisła</u>
Rěčne hodžiny wjesnjanosty: štwórtk: 15.00–18.00 hodž. po dorěčenju	milina ENSO Netz GmbH 0351/50178881
Serbske wudaće gmejnskeje nowiny so wot Sakskeho statneho ministerstwa nutřkowneho spěchuje. Naprawy so z dawkowych srědkow na zakładže hospodarskeho plana, wobzamknjeného wot zapóslancow Sakskeho krajneho sejma sobu financuja.	woda Ewag Kamenz 03578/377377
	płun EVSE Wittichenau 035725/7410
	wopłóčki AZV Am Klosterwasser 035796/96026
	policija 110
	nuzowy lékar / wohnjowa wobora 112 wohnjowa wobora 035796/850086 Ralbicy
IMPRESUM – Gmejnska nowina gmejny Ralbicy-Róžant zamołwity: wjesnjanosta Hubertus Ryčer Gmejnski zarjad Při Marijinej studničce 8 01920 Róžant Tel.: 035796/96832 Faks: 035796/96833 Mejlka: gemeinde@ralbitz-rosenthal.de Internet: www.ralbitz-rosenthal.de Towarstwa su za wobsah swoiich stronow same zamołwite.	Redakciski kónc za wudaće žnjenca 2022: 22.07.2022 Prošu zapodajće wšitke přinoški za nowinu z mejlku na: gmejnska.nowina@gmx.de Online-wudaće gmejnskeje nowiny pod: www.ralbitz-rosenthal.de



pestowarnja „dr. Jurij Młynk“ w Ralbicach

Dzeń džěsća w Ralbičanskej pestowarni



W tydźenju mjezynarodneho dnja džěsća sprihotowachu kubłarki a kubłarjo wosebite dny ze zajimawymi poskitkami. Započatk tworješe za předšulskich wopyt mejemjetanja w zakładnej šuli, při čimž móžachu džěći hižo Ralbičanskich šulerjow a wučerjow zeznać.

Wutoru na to wotewrichu so na zahrodźe pestowarnje wšelake džěłarnički, wot kreatiwneho blida, šminkowanja, hrow, rězbarjenja hač k pućej, na kotrymž su móhli džěći bosy po wšelkich materialach běhać. Wotpinać móžachu při masaži ze wšelakimi instrumentami.

Na dnju dzeń džěsća so na wšitkich třoch stejniščach Ralbičanskeho zarjadnišća howrješe. W žłobiku w Smjerdźacej steješe wopyt wohnjoweje wobory na planje. Ze wšěmi zmysłami běchu najmłódši přitomni: Wusłyšachu jim znate zynki „tati-tata“, smědzachu so do awta sydnyć, sej nahtowniki stajić a samo z wodu pryskać. Šminkowanje a honjenje za mydłowymi pucherjemi wězo na tajkim dnju njepobrachowaše. Wulki džak słuša Smjerdźečanskej wohnjowej woborje.



W pestowarni zarjadowachu so wulěty kóždeje skupiny do wšelakich směrow: Jedna skupina pućowaše přez Łazkowski lěs k hrajkanišću, hdžež sej najprjedy jónu z lodom, sponsorowany wot maćerje Anne Walther, posylnichu. Potom nóżkowachu dale na směr Šunow, „připadnje“ steješe při puću nan Frank Wjesela, kotryž cytu skupinu z traktorom a připowěšakom na hrajkanišću do Šunowa dowjeze. W Šunowje přiwjeze mać Sylwija Šoćina cafty a kołbaski jako wobjed na městno. Wróćo do Ralbic podachmy so z busom. Dalša skupina přebywaše na zahrodźe pestowarnje a da sej skakanski hród a zaběru lubić na zahrodźe a lód zesłodźeć. A džěći třećeje skupiny pestowarnje nóżkowachu při najrjeńšim wjedrje do Hórkow a smědzachu na Smolic dworje ponyje rjedzić, fachowći při hladanju koni přez ramjo hladać a wězo tež na ponyjach jěchać. Na druhi dzeń móžachu džěći cyle kreatiwnje při pomolowanju swójskich t-shirtow być.



Nic naposled dari Alojs Wowčer z firmy HANSAFLEX žłobikej a pěstowarni nowe bule, kotrež so wězo mjeztym rady wužiwaja. Wutrobny džak jemu za dar a wšitkim, kiž su k poradženju tydženja přinošowali!

Jadwiga Nukowa, wjednica



Mejemjetanje w Róžeńće

Mjeztym je hižo z dobrej tradiciju, zo mjetaja džěci a młodostni w Róžeńće zhromadnje meju a zwjazuja to z małym swjedženjom. Dohromady bě jich lětsa 17 porow, kotřiž čehnjechu do wsy.



Po tym zo běchu wosrjedź dróhi rejowali, padny meja. Pola džěci běše lětsa Stanij Žur jako přeni k wjerškej doběžat. Lubina Žurec bu jeho mejska kralowna. Pola młodostnych wudoby sej Linus Hrjehor wjeršk. Wón wuzwoli sej Hańžku Handriekc jako kralownu.



Foće: Tomáš Šotta



Serbskŕ zakłŕadna ŕula Raibicy

Delanski ZWónčk



Smažnik 2022 / čisłŕ 84

Sorbische Grundschule Raibitz

Šulske lęto chila so ke kŕncej...

... a wšitcy wjesela so po pilnym wuknjenju na zastužene prŕzdniny. Njejsmy pak jenož w našich rjadownjach wuknyli, ale męjachmy teěž wulkotne projekty. Tute bęchu za nas přewšo njane dožiwjenja. Chcemy našim čitarjam někotre impresije spřistupnić.

Přejemy wšitkim ŕulerjam, wučerjam a staršim rjane dožiwjenja połne lęčne prŕzdniny. Wjeselimy so na strowe zasowidženje pŕndželu, dnja 29. žnjenca 2022.

Džęcaca opera „Fidelio“

Njedawno dožiwichu ŕulerjo 1.-4. lętnika w sportowej hali scenu z džęcaceje opery „Fidelio“. Wumęłcy z Wiena přewodžachu nas w njanych kostimach. Wšitcy dŕstachu tak krŕtki dohlad do tuteje opery a zeznajomichu so bliže z wobsahom.

Na kŕncu mytowaše sylny aplaws džęłŕ spęwarjow, kiž zamŕžachu naše džęci zahorić a zapřijeć.



Terminy:

13.07.2022

15.07.2022

sportowy swjedžen z diskoteku

wudawanje wuswędčenjow – posledni ŕulski džen



Mejemjetanje

Póndželu, dnja 30.05.2022 přewjedžechmy na našej šuli mejemjetanje. W 1. hodžinje so holcy 4. lětnika narodnu drastu zdrasćichu. W sportowej hali so nastupichmy a spěwajo na zahrodu čehnjechmy. Rejowachmy někotre reje wokoto meje. Skónčnje meja padny. Hólcy běžachu wo 1. městno napřemo. Mejski kral bu Jurij Bětnar. Wón wupyta sej Martu Malinkec za swoju mejsku kralownu. Po tym čehnjechmy spěwajo přez wjes. Při sportowym domje so za foto nastupichmy. Potom podachmy so do sportoweho domu. Tam běchu starši stódnju brěčku a samopječeny tykanc přihotowali. Tež mały kwis bě za nas spřihotowany. To běše jara rjany předposledni mejski džeń.

Marta, Maili, Clara a Jadwiga ze 4. lětnika



ADAC-wukubłanje w kolesowanju

Z kolesom w šulskej hodžinje parcours absolwować - to je tola wulkotna ideja. A runje to smy na našej šuli na dnju džěsća dožiwić směli. ADAC je nam k tomu darmotnje kolesa a sobudžětačerja do šule póstať. Kóžda rjadownja měješe jednu hodžinu chwile, najwušiknišeho šulerja a najwušiknišu šulerka wurisać. Parcours z kolesom wobsahowaše wšelake stacije, na přikład slalom, wusku šćežku, zadžěwki a wjedženje rječaza w kruhu.

Sportowe wubędzowanie: Dwupólna hra



01.06.2022 woswjećichmy dzeń dżěsća raz tróšku njetypisce. Po tym zo je sej wubranka 4. lětnika w přenim kole wubędzowanja dwupólneje hry přenje městno wudobyła, wotmě so druhe koto na tutym wosebitym dnju we Łužnicy. W druhim kole wubędzowanja wobdžělchu so mustwa z Großröhrsdorfa, Radeberga, Wojerec, Haselbachtala a Malešec. W běhu

wubędzowanja stopnjowachu so naši šulerjo přeco bóle, tak zo buchu hry w běhu turněra přeco napjećiše. Na kóncu turněra wudobychmy sebi wuběrne 3. městno. Strowi, z wjesołymi mjezwočemi a bronzowymi medaljami nawróćichmy so zaso do Ralbic. N. Čižankec

Zakónčaca jězba do Čorneho Chołmca

Šulerki a šulerjo našeje šule podachu so kónc meje zhromadnje z wučerkami na zakónčacu jězbu tutoho šulskeho lěta. Dojědžechu z busom do Čorneho Chołmca ke Krabatowemu młynej. Tam wobdžělchu so wšitcy w małych skupinkach na wšelakich projektach, w kotrychž wjele wo serbskim kuzłarju zhonichu. Čorny młynk pokaza wšitkim swój młyn a swoju kuzłarsku knihu a rozprawješe wo ćežkim žiwjenju młynskich. Dalše zajimawe stacije běchu wopyt pjekarnje, kuzłarnje na dworje a při młynje, Krabatowa stawiznička k sobučinjenju kaž tež kwis wo Krabaće. Ze zhromadnym wobjedom - plincami - so krasny dzeń skónči a bus dowjeze wšitkich zaso do Ralbic.



Dalše nowosće z našeje šulskeje zahrodki

W lońšim wudaću našeho Delanskeho zwónčka rozprawjachmy wo wotłodźenju našeje šulskeje zahrodki. Mjeztym je so tam tójšto dalších naprawow přewjedło. Z pomocu gmejskeju dźělačerjow natwari nam naš domownik nowu rostlinarnju. Tam rostu nětko kórki, tomaty, kulirabij a zela. W haće so folija wuměni a wodowe rostliny so zwosadźachu. Samo wodomjetak so zatwari. Naše rybički, kotrež přebywachu přechodnje pola swójby Grimmigec, su mjeztym swój nowy domicil w haće šulskeje zahrodki zaso přiwwzali. Za ponowjenje hata kaž tež wo nowu zelowu spiralu so zahrodnica knjeni Leppersowa z Pančic postara. Wona natwari a zwosadźa rjany blečk za najwšelakoriše zela a korjeniny. Přidatne wulke drjewjane blido z ławkomaj přeprošuje nětko wšitkich na „šulu z zelenym“ w našej rjanej idylce. Wutrobny dźak swójby Grimmigec za wobhospodarjenje našich rybičkow.



ŠULSKE NOWINY




Serbska wyša šula Ralbicy
UNESCO projektna šula
www.sorbische-schule-ralbitz.de

Pražnik 2022
27. lětnik, 266. wudaće

Naša AG „šulske nowiny“

Kóždy měsac wuńdu šulske nowiny a kóždy tydzeń znowa přemyslujemy, kak hodži so tuta za was najlěpje wuhotować. Ale što scyta smy a kotre wosebite kmanosće mamy jako młodzi žurnalisća? To předstajimy wam w slědowacym přinošku.



Dohromady smy pjeć šulerjow ze šesteho lětnika a jedna wučerka našeje wyšeje šule. Našu AG wobohaćeja Luis Suchy, Fabian Korch, Clara Matkec, Hana Eiseltec, Louisa Domanic a knjeni Pešmanowa.

Mój, **Hana** a **Louisa**, so hižo wot pjateho lětnika prawidłownje na AG wobdźělimoj. Pisamoj rady basnje a mamoj wjele wjesela při wuhotowanju šulskich nowinow. Tu móžemoj so na swójske kreatiwne wašnje tak prawje wucychnować.

Před někak pjeć tydženjemi je so tež naša sobušulerka **Clara** přidružiła. Wona ma kreatiwne ideje a přez jeje wjesotu naladu smy při pisanju tekstow stajnje motiwowani.

Luis je so tohorunja za to rozsudził, při šulskich nowinach aktiwnje sobu skutkować. Wón ma wosebje lóštnu žitku, štož našeje cyłej skupinje jara tyje. Nimo toho njeje

jenož při dźětanju, ale tež při pisanju do kompjutera přewšo wušikny, spěšny a wutrajny.

Fabian je hakle před krótkim přistupił. Wón je wosebje dokładny a pilny při rešeršach našich přinoškow. Mjez druhim je wón za atraktiwne wobrazy w šulskich nowinach zamołwity.

Na kóncu njesmě **knjeni Pešmanowa** falować. Wona nawjeduje našu AG. Mjez druhim organizuje, koordiněruje, zestaja a přetožuje přinoški a napisa nowe. Wšitko, štož pisamy, koriguje. Wona je jara pomocliwa a bjez njeje njeby tu ničo běžało.

- tekst: Louisa Domanic a Hana Eiseltc

wobraz: Jan Rjeda -



Rybjaće haty

My, pjaty lětnik Serbskeje wyšjeje šule Ralbicy podachmy so srjedu, dnja 25. meje 2022, z kolesami na ekskursiju k rybjacym hatam blisko Kačeje Korčmy a Komorowa.

Knjeni Serbinec, knjeni Cyžowa, knjez Wowčer a

knjez Rjeda nas na tutym dnju přewodźachu. Jako běchmy sej k rybjacym hatam doješli, dóstachmy wot knjeza Wowčerja dźěłowe łopjeno, na kotrymž dyrbjachmy pokazać, što smy sej wšitko spomjatkowali. Knjez Wornar wotewza nas a pokaza nam cyle małe, ale tež wulke wurošćene ryby. Po tym šwiknychmy so zaso na kolesa a dojeđžechmy sej do Rakec. Tam bu nam zdźělene, zo ležeše blisko Rakec hranica mjez Sakskej a Pruskej. Na kóncu dojeđžechmy sej do Brězanec pjekarnje, hdžež dachmy sej lód zestodžeć. Džakujemoj so wučerkam a wučerjam za rjanu ekskursiju!



- tekst: Patricija Dittriches a Dana Kacerjec, wobraz: Michał Wowčer -

Ekskursija k pčólnicy



6/1 a 6/2
podaštaj so
wutoru,
14. juniya
2022 na puč
do Konjec.
Rano pučo-
wachmy wot
našeje šule
hač k

pčólnicy „Regina“. Zaměr našeje ekskursije běše mnoho informacijow k temje pčotka. Wobhladachmy sej tam krótki film wo pčotkach a nadawkach pčotarja zhonić. Dokelž běštej dvě rjadowni přewjele za mały rum, rozdžělichmy so do dweju skupinow. Jako wobhlada sej přenja skupina informatiwny film, so druha skupina z džětowym topjenom zaběraše. Mějachmy nimo toho tež mały přestawku, w kotrejž smědzachu šulerki a šulerjo tróšku mjeda woptać. Při tym je nam knjez Šotta wjele wo kotću, pčotkach a płastach rozjasnił. Na kóncu smy sej hišće lód stódžeć dali a jemu jako džak spěwčk zaspěwali.

- tekst: Louisa Domanic, wobraz: Michał Wowčer -

Šće so džensa hižo smjeli?



Čehodla zynča pčotki?

Dokelž tekst njeznaja!

Što je to? Leći w powětře a čini

mus, mus, mus?

Pčotka, kotraž wróćo leći.

(<https://www.zitronenbande.de/flachwitze-kalauer/>)



wobraz: Fabian Korch

kwis: Hana Eiseltec a Clara Matkec

Namakaš wšitke 7 zapřijećow k temje pčotka?

p	č	o	ť	k	a	b	b	d
k	u	f	e	t	e	r	k	g
l	s	ť	ó	n	c	o	w	f
m	u	i	e	g	n	m	ě	d
p	č	o	ť	a	r	r	t	š
g	i	f	s	k	v	ó	k	c
m	a	t	k	a	g	č	a	ó
h	i	k	m	h	j	e	y	p
k	h	p	o	f	v	l	n	m

pčotka, pčotar, kwětka, matka, mróćel, měd, stónco

Pčotka - najmjeńše wužitne zwěrjo swěta

Powšitkowe daty

mjeno:	pčotka
wulkosć:	10-15mm
waha:	něhdže 0,1 g
wonkowny napohlad:	žoŕto-čorna smuhata
cyroba:	mučki a nektar
žiwjenski rum:	pola, łuki, lěsy
njepřećeljo:	ptački, šeršenje, wši, varroa-milba
porowanski čas:	junij-awgust
socialne zadźerženje:	staty tworjacy insekt

Pčotkacy lud wobsteji z něhdže 50.000 pčotkow.



Kelko pčotkacych typow rozeznawamy?

Dawaja tři wšelake typy pčotkow: matka (njese jejka), babka (hromadzi nektar a škita hnězdo) a muske truty (k rozmnoženju).

Kak nastanje měd?

Pčotka składowuje nektar w plastach. Po wěstym času nastanje z toho měd, kotryž služi tež jako cyroba za młode pčotki.

Kotre maćizny wotedawaja pčotki, jeli su w straše?

Hdyž pčotka kańje, woteda wosebite feromony. Su to chemiske maćizny, kotrež signalizuja druhim pčotkam, zo je w straše.

Na kotre wašnje komunikuja pčotki?

Woni komunikuja z pomocu reje z wopušku (Schwänzeltanz). Přez tute „rejowace“ pohiby pokazuja druhim pčotkam dokładnje směr, zdalenosć a družinu cyroby.

Kak přeživja pčotki zymu?

Wot pčotarja dóstanu stajnje w nazymje cokorowu wodu. Tohorunja služi składowany měd jako zežiwjenska rezerwa.

Što je strašne za pčotki?

Zahrodnicy abo burja wužiwaja husto jědy, zo bychu swoje rostliny před parazitami škitali. Tute škitne maćizny za rostliny su pak tež jara strašne za pčotki.

Kak husto móže pčotka kańnyć?

Pčotka móže jenož jónu kańnyć. Jeli so kakačik wutorhnje, so tež jeje cyłe čěto roztorhnje.

Čehodla su pčotki za nas wosebje wažne?

Za naš ekosystem su wosebje wažne, dokelž popróša wšitke kćenja. Bjez popróšenja njeby wuwice płodow móžne było. Dla pčotki mamy telko wšelakich družinow zeleniny, sadu a kwětkow.

Što móžemy za pčotki činić?

Tež my móžemy na wšelake wašnja přećiwo mrěću pčotkow zakročić. Zawěsće ma kóždy z nas pak balkon, terasu abo zahrodku, hdžež namaka so něhdže mały blečk k připrawjenju kwětkow abo rostlinow za pčotki. Čim wjace wšelakorych rostlinow maš, čím wjace pčotkow změješ tež w zahrodze.

<https://pixabay.com/de/photos/insekt-biene-honigbiene-bl%c3%bctc-4496016/>; <https://klexikon.zum.de/wiki/Bienen>;
<https://www.kindernetz.de/wissen/tierlexikon/steckbrief-biene-100.html>

INFORMACIJE - TERMINY - WŠELČIZNY

wot 04. do 14. pražnika

praktikum 8. a
9. lětnik

04. pražnika

5. lětnik a 6/2:
ADAC awto a
koleso

05. pražnika

ekskursija 7. lětnika do
techniskich zběrkow w Drježdźanach

06. do 08. pražnika

płuwanske dny w Kulowje

11. a 12. pražnika

pućowanski dzeń 6/1 a 6/2

12. pražnika

pućowanski dzeń 5. lětnika

14. pražnika

6/1 a 6/2 wopytaja dźiwadłowe předstajenje
„Małe wampiry“

15. pražnika

posledni šulski dzeń

wot 18.07. do 26.08.

lěčne prózdniny



wobraz: Fabian Korch

Ponowjenje burskeje stwy we Konjecach

W poslednich měsacach je so burska stwa w Konjecach z pomocu firmow ze wsy a ze Šunowa kaž tež wobydlerjow skoro kompletnje wobnowiła. Wobstějaca rumnosć je chětro do lět přišla a tež za swjatočnosće njewotpowědowaše wjac předstawam wobydlerjow a hosći. Jako so přez gmejnu financne srědky za projekty we wjeskach k dispoziciji stajichu, so tutón projekt přez wjesnu radu Konjegy/Šunow zastorči.

Tak so wjerch zwottorha a nowy zatwari. Při tym so swěca na LED přetwari, wuhotowana z modernymi panelemi a spotami. „Připódl“ so tež stołp srjedz rumnosće wottwari a z dwěmaj nošakomaj wuměni, kotrež po přetwarje wjac widzeć njejsu. Wjerch, scěny kaž tež stare drjewjane panele so w přijomnych barbach wuhotowachu resp. wobnowichu. Město jednoho wokna so terasowe durje zatwarichu, tak zo móža wopytowarjo při rjanym wjedrje won stupić a so tam tež posydnyć. W nowej burskej stwě stej tež beamer a płachta za předstajenje filmow a přednoškow integrěrowanej.



To wšitko sta so we wólnym času, wjele hodžin džěla so nahromadži, hłownje přez firmy z našeju wjeskow. Tute tež trěbnu techniku k dispoziciji stajichu. Rafał Šerak (Schierack-Bau) so wo wottorhanske džěla a zatwar nowych nošakow staraše, čěslstwo Pětra Krala nowy wjerch twarješe, wo molerske džěla staraše so molerski mišter Michael Zschieschang, kachlicowe džěla a zatwar nowych duri přewjedže so přez Ščěpana Čornaka (Öfen-Kamine-Fliesen Zschornak GmbH), Pětra Młynka (Bau-Elemente-Service) a firmy Bodenleger Mario Sauer. Wo elekriku starachu so hłownje Olaf Thiela a Reimund Čórlich, wo přetwarjenje tepjenskich rołow Steffen Wocko kaž tež Sylwijo Čórlich (Autoreparaturen Zschorlich) wo wšelake džěla.



Tež



serbski muski chór Delany, kotryž rumnosć za proby wužiwa, so na džělach mócnje wobdžěli, nic zabyć ma so na mnoholičbnych wobydlerkow a wobydlerjow z Konjec a Šunowa. Wšěm zapłać Bóh a wulki džak za woprowany čas a wšu prócu!

Džak tež za finacielnu podpěru gmejny a Enrica Krala (RHE-EL Krahl & Kollegen GmbH, Steuerberatungsgesellschaft).

Mamy nětko rjanu swětlu rumnosć, přestrjeń je přez wotstronjenje stołpa wjetša a nadžijamy so na rjane swjedženje, bjesady a přednoški.

Frank Šořta a wjesna rada Konjegy/Šunow



Wjesny swjedźeń

Sernjany

05.-07.08.2022

pjatk	18.00 hodź.	- natočenje piwa
	21.30 hodź.	- wubědźowanje wohnjowych woborow
		- kino při Klósterskej wodže
sobota	14.00 hodź.	- soccer-turněr
	14.30 hodź.	- meli-zetkanje Tři Hwězdy
	21.00 hodź.	- kofejpiće
		- open air ze skupinu „Die Wehder“
njedźela	11.00 hodź.	- rańše piwko z Chróšćanskimi
	12.00 hodź.	muzikantami a wustajeńca oldtimerow
	wot 14.30 hodź.	- wobjed
		- kofejpiće a tykanc
		- swójbne popołdnjo ze sokolnictwom
		Winde a zabawu za wulkich a małych
	20.00 hodź.	- reje z „RDE-Discoteam“

**Wo čelne derjeměće
so postaramy.**



**Přepróšuje wutrobnje
Wjesny klub Sernjany z.t.**